

嘉業堂
叢書

廣陵先生文集

第三冊

廣陵先生文集目錄

卷十一

謝劉成父

還蕭幾道詩卷

再次元韻答幾道

謝幾道佳什

偶占

思歸

秋日感憤

襲襲

病中

目錄一
寄介甫

上杭帥呂舍人

上邵寶文

贈致政郭太丞

閑居奉寄幾道

懣

金山寺

登甘露寺閣

讀西漢

讀東漢

讀商君傳

書孔融傳

武侯

叔孫通

韓吏部

讀老杜詩集

讀白樂天集

過伍子胥廟

泰伯廟

和人古劍

琴

謝張和仲惠寶雲茶

和人孤雁

雁

送雁

鴉鳴

馴鹿

和人放魚

和人促織

聞促織

苦熱

和東蒙初九日不見菊登高

簾

詆鷺

鷺答

觀飲

答耿奎

江上

洗竹

春夢

秋日偶成呈杜子長顯之兼簡劉仲美

歲暮言懷

日益無聊賴偶成呈子長

醉後

梅花

木瓜花

蔬蘭

九曲池悼古

寄宿倅陸經子履

太湖

答劉仲美

平山堂寄歐陽公

歲暮呈王介甫平甫

塵土呈介甫

溪上

金山

朝雲

登城

招束伯仁杜子長夜話

臨別瓜州

春意

廣陵先生文集卷十一

逢原王 令著

謝劉成父

舊說詩無三百年於今拭目讀君篇已嗟吾道微如綫
不意斯文未喪天金玉有聲清不俗蕙蘭之臭美尤全
塵埃隔眼逢何晚氣類相期久愈堅以義求人今遂得
於心無媿果爲賢不須刺口論憔悴吾輩悽惶自古然
還蕭幾道詩卷

武夷山骨插青冥氣秀中蟠產俊英高似君平於市隱
窮如東野以詩鳴驂騑老騁青雲足綠綺純含太古聲
顧我自憂衰病久爲君雙眼暫時明

再次元韻答幾道

塵囂擺落到鴻冥始見當時遁世英
叢棘敢思丹鳳至寸筵慚叩巨鐘鳴
須知奔競浮榮路未若喧傳不朽聲
此道固爲流俗笑苟非夫子欲誰明

謝幾道見示佳什因次元韻二首

曾酬唱和向家溪
嫫母終慚敵豔妻
豈意誤將三獻玉
翻來輕博一丸泥
利能絕地同莊劍
巧可凌雲上魯梯
巾衍珍藏雖已固
祗愁飛去化爲霓
篇篇光絕奪春華
中有純音正不邪
跛鼃久慚追駿足
降旗今已怯崇牙
清新格調空吟諷
猥冗言辭自咄嗟
爲我指迷終有得
曲蓬從此託叢麻

偶占

卒卒往來舟翻翻逐利謀中流誰

一本作雖

自溺方去不同

頭

思歸

平生孤憤自潛然不作春蠶但食眠
干祿有心羞枉道無田虛日望豐年
每將浩歎期黃卷已許多憂競白顛
舊笑古人輕獨往近來還自憶林泉

秋日感憤二首

擊劍高歌四顧遐男兒何自繫如瓜
蛟龍不是池中物燕雀焉知隴上嗟
命有儻來猶未耳天徒生我使窮耶
謝安未是才難者底事蒼生卻盛誇

坐睨歸鴻起自嗟西風吹落淚痕斜聚書老嬾堆塵楮
秋劍寒酸一本作賊螫鐵蛇自是臥龍猶戢角浪嗟穴虎嚮
生牙從來思擲班傭筆況是西山有舊家

襲襲

襲襲前修與後生要言高爵是身榮卻將獵較誣師聖
不見三年學有成

病中

十日身無一日寧病源知向百憂生寒侵騏驥應方瘦
蠹滿楸楠豈易榮小閣晝閑書帙亂畫堂風靜藥羅聲
北山扶杖終歸去寄語嵒猿莫曉驚

寄介甫

時爲郡牧

已推事業皆歸命空有文章自滿家借使牛羊雖有責
豈於鳳鳥獨無嗟人留孟子皆非道客議揚雄正自譁
賢哲相望每千古得逢猶說與時差

上杭帥呂舍人

漆

玉海澄中粹金山拔外佳無前誰與敵獨進不容偕列
象明星壁遺思結館娃

蘇爲舊治

一麾迎日下四海望霖乖

今見詢僉允從來注意諧推溝常已任躋域定民皆富
裕吳中俗優游治外懷樽環常滿客醉擁坐添釵賤子
儒名業平生客旁淮塵埃方困頓

一本作遜

時命兩沈薶居

拙思營窟炊窮欲析骸毛生禰衡刺麻繫呂醫鞋海遠
狂圖酌天高妄欲階請雖非義得來實爲貧差況是常

星門一
瞻石將希未絕崖雖然愚者慮庶享惡人齋肉骨非難
力銘心謝莫涯定須爲進互庶或未愚柴

上邵寶文

出處身之道窮通命

一本古

所關孔猶聞宋逐軻亦退梁

還茲道方中否流風有後艱客來方病憲人戚不堪顏

士有高山仰身嘗逸駕攀徑心思古到獨手欲今攀惟

悴窮年學乖疏

一本孤

五兩綸魚鹽聞古隱畎畝識今閑

蹈海時何謂無田力亦孱清醒甘澤畔富貴奈墦閒進

壯藩

一本作羶

羊觸行屯乘馬班食貧欣道在慍見笑兒頑

時已輸雌雉心猶恥瘠環偶逢邦有道喜戀

一本作眷

涕無

潛觀水求窺海知天願適山雖歸滕國聖尙賤許行蠻

進效無橫草希仁等棄菅聖門猶進惑惠政況先鰥自
道非能賦幾希不敢一本作取刪誤知何以報忠信赤心殷

贈致政郭太丞

冠蓋衡衝話退居幾年年少褫銀魚風波脫去都無累
日月閑來靜有餘一斗獨傾花下酒五車時曬腹中書
太丞洪飲而自儒墨之外浮圖老子陰陽方技之說無所不覽故云論詩深媿非商也敢
向正門望起予

閑居奉寄幾道

門前一徑長寒莎耳冷不聞車馬過疏竹有風堪待月
空庭無雀可張羅道心自覺閑中得嬾性還從病後多
回首西城向詩老此心此性復如何

慵

衣冠慵整鬢慵梳萬事慵來靜有餘卻笑嵇康慵未得
區區猶作絕交書

金山寺

萬頃清江浸碧山乾坤都向此中寬樓臺影落魚龍駭
鐘磬聲來水石寒日暮海門飛白鳥潮回瓜步見黃灘
常時戶外風波惡祇得高僧靜處看

登甘露寺閣

忽忽勞生歲月催時偷高迹出浮埃風沾草樹紅朝動
春入川原綠夜回欲出壯懷臨八極可無樽酒到高臺
江山不與人相語似待忘言野客來